

其舞因令樂人習之故有巴俞之樂漫衍者即張衡西
京賦所云巨獸百尋是為漫延者也魚龍者為舍利之
獸先戲於庭極畢乃入殿前激水化成比目魚跳躍激
水作霧障日畢化成黃龍八丈出水敖戲於庭炫耀日
光西京賦云海鱗變而成龍即為此色也俞音踰碭音
徒浪反衍音弋戰反視讀曰示觀示者視之令觀也○
宋祁曰注文八丈一作入及賂遺贈送萬里相奉師旅
又字徒浪反越本作大浪

之費不可勝計至於用度不足廼權酒酤筦鹽鐵鑄白
金造皮幣算至車船租及六畜民力屈財用竭師古曰屈音其

勿反因之以凶年寇盜並起道路不通直指之使始出衣

繡杖斧斷斬於郡國然後勝之是以末年遂棄輪臺之

地而下哀痛之詔豈非仁聖之所悔哉且通西域近有

龍堆遠則葱嶺身熱頭痛縣度之阨淮南杜欽揚雄之